

咸豐八年六月新鐫

# 治疹全書

紹嵗長樂錢遺經堂梓



南京中医药大学图书馆版权所有

治疹全書敘

疹者診也有結聚可診見也其文爲疹字之變或从肉作疹蓋感天地沴戾之氣而結聚於肌肉也方今

聖天子羣黎在宥保赤誠求數百年元氣涵濡太和翔洽亦旣躋生民於壽域登斯世於春臺沴戾胥融疾疢不作矣然而人身之氣稟每有不齊天地之生成猶多所憾冬或陽愆夏或陰伏春或風淒秋或雨苦在

聖人固操變理之權而時氣不乏偏眚之患其中於人也爲風爲寒爲暑爲溼爲燥爲火由是染於氣者爲疫爲瘟爲瘴爲癘爲痧瘧爲



癰疽發於形者爲癰疽爲疔瘡爲瘡癤爲癰爲疔爲痞瘰之屬而  
小兒之受之者感於榮則爲痘感於衛則爲疹疹者疹戾之氣所  
由成亦卽軫恤之懷所由起君子曰是不可不急爲調劑也利用  
治獨是治亦多術矣或以內治治或以外治治或以正治治或以  
變治治治於疹前清上游也治於疹潮奠中流也治於疹後導餘  
派也不按乎治之之論則疹不治不明乎治之之訣則疹不治不  
悉乎治之之禁忌治之之方藥治之之權宜則疹仍不得而治此  
其故非憑虛所能悟懸揣所能詳也君子曰是不可以無書且夫  
書之治疾者自靈樞素問千金外臺而後代有師傳代有著述幾

乎牛可汗棟可充卽幼科一門其兼論痘疹者如陳飛霞有幼幼集成焉劉方明有幼幼新書焉沈惠民曾世榮俱有活幼心書焉董大英又有活幼神悟集焉其專論痘疹者如陳文仲有小兒痘疹方焉張介賓有小兒痘疹詮焉王肯堂有痘疹準繩焉馮楚瞻有痘疹錦囊焉聶尙恆有痘疹慈航焉萬密齋有痘疹心要朱濟川有痘疹心傳謝天錫有痘疹證治汪石山有痘疹理辨喜泰順有痘疹祕書秦昌遇有痘疹折衷朱純嘏有痘疹定論宋麟祥有痘疹正宗而且痘疹詳辨崔嶽之所著也痘疹彙編吳洪之所著也痘疹索隱曹禾之所著也此外如嬰童百問博愛心鑑玉髓金



鏡諸書更僕難終亦可謂美且備矣而究之詳於痘畧於疹或闕附數十條情同附驥或僅存一二則意等存羊求其專就治疹而輯爲成書者曾不數覲也君子曰是未可目爲全也剡西錢君錦江多藏書樂善不倦慨治疹之無專刻也爰出其治疹全書詳加補輯并囑余釐訂以公於世余素不知醫竊以義當成美輒敢妄爲編次歸之錢君錢君卽以授之梓人爲保嬰計爲壽世計爲彌縫缺陷計爲博施濟眾計不忍以家傳善本私爲枕中祕焉錢君之心亦仁矣哉抑又聞之古仁人不爲良相卽爲良醫醫與相設施之業雖不同軫恤之懷無或異是書旣出顯以贊

聖人變理之權隱以消時氣偏毗之患將見胥天下之孩提煦育於元氣之中保合於太和之內壽域可躋也春臺可登也偶有結聚人  
人可得診見也於以仰副

聖天子羣黎在宥之心保赤誠求之隱不誠爲調元贊化之資也哉然  
則是書也良醫之術具於此良相之功寓於此由此而全慈惠之  
心由此而全利濟之業由此而療治者有保全之法由此而患疹  
者有生全之機由此而痘疹兩科有兩全之方由此而癰疹萬變  
有萬全之策由此而天下後世之同志者踵事增華可爲全益求  
全之地本此以治疹信乎其無不治也稱此爲全書信乎其無不

全也余樂錢君之志有成爲錢君慰且爲天下後世慰也爰疏其  
端緒而爲之敘敘者緒也

豈在

咸豐八年戊午六月上澣吉旦癸東月航趙藥珠敘



治疹全書凡例

一疹書絕少專刻。本草綱目附方一萬有千餘。而疹僅一二。證治準繩分卷一百有二十。而疹祇數條。餘可知己。此書論辨精確。方訣詳明。閱者珍之。

一此書係家傳鈔本。屢用屢驗。毫髮不爽。久欲公諸同好。但因敘次未清。字體多誤。未敢付梓。後得婺東張名標先生所刊保赤全生錄。審之。卽此書也。其校讐亦多未精。與予家墨本如出一轍。閱者不無遺憾。茲特再三釐正。第其次敘訂其別謬。并僭採諸書以附益之。庶幾平時則便於觀覽。臨證則多所變通爾。



一此書舊鈔不著撰人姓名。張刻亦不詳其姓氏。茲編謹虛畱位。置以俟知者。題名庶不致湮沒前人之美。至於原書中移前置後。出此入彼。務使綱張目舉。條理井然。則又甚賴趙月航先生之力。校訂之功。則惟從弟肇昌繼昌輩勸其役云。

一疹子稱名不一。原本痧痧癰瘡。錯舉雜陳。反致眩目。且痧字痧字。字書未收。麻字與瘰字易混。尤與升麻麻黃等字易混。茲編特置因形命名論於前。此後除刮痧痧字瘡癰瘡字外。概用疹字。不以別名攙入。睂目似較清晰。

一方書多用症字。字書亦未收載。且與正疹等字易混。茲編悉從

證字庶無辛亥豕之譌。其餘諸字則亦姑從俗耳。

一原書有徒載方名而無藥味者。補之。有徒載藥味而無分兩者。缺之。非略也。諸書所載互有輕重。未能劃一。甯缺之以待高明。自裁耳。至原書本有分兩者。概仍其舊。未敢擅刪。

一論中所用諸方。俱於方名下註明頁數。以便披檢。其藥品有沿誤及疑似者。俱於方後附考。以便徵實。

一此書論列諸方。俱係前賢斟酌盡善而出之者。似乎無可復疑。但稟有強弱。證有虛實。毒有淺深。倘執死方以治活病。則膠固鮮通。貽害匪淺。傳云神而明之存乎其人。是所望於司命者。

一諸書中有與此書立說互異者略採一二附錄尾卷目爲外編  
以備參酌。非敢擅置於外也。免與原書混雜耳。閱者須分別觀  
之。又須會通觀之。觸類引伸。亦未始非達變通權之一助。  
一古語云走馬看痘疹。極言其變證之速也。閱此書者務須平日  
融貫在心。斯可隨機應變。倘臨渴掘井。終歸無裨。尤望仁人君  
子。無論昏暮清晨。嚴寒酷暑。急急以拯濟爲心。斯種德無涯。卽  
食報亦將靡旣矣。

一此書外尚有良方聞見錄。採輯未竣。容俟續出。

治疹全書凡例終

治疹全書總目

卷尾有後目此為前目俱標明頁數以便查檢

卷首

共十二頁

序文

共三頁

凡例

共二頁

目錄

共七頁

卷上

共卅六頁

因形命名論

誤失調治論

時氣平厲論





似疹非疹論 三

候疹歌訣 三

看疹要訣 四

順逆要訣 五

內外治總訣 六

總論 六

開門棒 六

見點金 六

內治要訣 七



總論 七

方藥法 八

湯飲法 十

外治要訣 十二

總論 十二

薰洗法 十二

薰熨法 十四

薰擦法 十四

薰刮法 十四



薰蒸法

十四

針刺法

十五

下導法

十五

用藥禁忌

十五

飲食禁忌

十七

調護禁忌

十八

六因六閉論

十九

五臟五液論

廿一

痘疹輕重論

廿二

痘疹異同論 廿二

痘疹先後論 廿二

痘疹交出論 廿三

痘疹癰疔論 廿五

主方 廿五至廿八

附方 廿八至卅六

卷中 共廿二頁

疹潮總論 一

正潮 二





夜潮 二

巽潮 三

兌潮 三

腹潮 四

昌潮 四

斑潮 五

瘰潮 五

隱潮 五

鬧潮 五

